



**SOCRATES**  
**NEC OFFICIOSUS MARITUS**

**NEC**  
**LAUDANDUS PATERFAMILIAS**

**IN**  
**PUBLICA DISSERTATIONE EXHIBITUS**

**A**  
**M. FRID. MENTZ,**

**EX ORD. PHILOS.**

**ET**

**FRID. WILH. SOMMER, AUCT.**

**VRATIS. SILES.**



**LIPSIAE MDCCCXVI. D. XXX. SEPTEMBR.**

**LITTERIS IMMANUELIS TITIL.**

CONFIDENTIAL - NO DISSEMINATION

ALL INFORMATION CONTAINED HEREIN IS UNCLASSIFIED

DATE 10/10/01 BY 60322 UCBAW/STP

EXCEPT WHERE SHOWN OTHERWISE

ALL INFORMATION CONTAINED HEREIN IS UNCLASSIFIED

DATE 10/10/01 BY 60322 UCBAW/STP

V I R O

NOBILISSIMO, EXPERIENTIS-  
SIMO, AMPLISSIMO

D O M I N O

SAMUELI GRASSIO,

MEDICINÆ ET PHILOSOPHIÆ DO-  
CTORI PRACTICOQUE CELEBERRIMO, IN-  
CLYTÆ REIPUBLICÆ VRATISLAVIENSIS

PHYSICO MERITISSIMO,

NATURÆ CURIOSORUM ACADE-

MIÆ LEOPOLDINÆ SOCIO SPE-

CTATISSIMO,

FAUTORI ET PATRONO FILIALI

OBSEQUIO ET HONORE VENERANDO.

**V I R O**  
**NOBILISSIMO, AMPLISSIMO,**  
**EXCELLENTISSIMO,**

**D O M I N O**  
**GOTTLOB KRANTZ,**  
**GYMNASII ELISABETHANI RECTORI,**  
**SCHOLARUMQUE AUGUSTANÆ CONFESSIO-**  
**NIS INSPECTORI GRAVISSIMO,**  
**HISTORIARUM ET PHYSICES PRO-**  
**FESSORI CELEBERRIMO, ET BIBLIOTHECÆ**  
**ELISABETHANÆ PRÆFECTO,**

**FAUTORI ET PATRONO MEO,**  
**QUANTAM ANIMVS CAPIT,**  
**PIETATE COLENDO.**



Um has academicae  
diligentiae primitias  
VOBIS offero, Pa-  
troni summo colendi  
obsequio, non est, ut  
de conquirendis ra-  
tionibus longe cir-  
cumspiciam: Nostis quantum ego VE-  
STRO favori, VESTRAE autoritati tri-  
buam, ut unquam aliquid absque Con-  
silio VESTRO conandum in animum  
non inducam. Noviego quantum VOBIS  
debeam, quæque mea ad metam studio-  
rum tendenti sit conditio, in qua maxime  
VESTRAM mihi opus est prudentia. Non  
ægre itaque feretis, confido, quod ad VE-  
STRA sacraria accedere propius non  
verear, & pro tot tantisque in me collatis  
bene-

*Beneficiis, quæ nulla ætas obscurabit, te-  
nue hoc obsequii & Cultus Testimonium  
VOBIS reddere annitar, obsecrans, ut il-  
lud benigna fronte accipiat, meque amo-  
re illo, paterno fere majori complecti non  
desinatis. Non alienum a me esse pu-  
tavi in philosophico curriculo, a domesti-  
cis facere initium, atque in vulgo magis  
cognitis, primum virium mearum facere  
periculum: qua in parte peccatum erit,  
VOS lubens æquos habebo arbitros, stre-  
nue in posterum conabor, ut perfectior  
ætas maturos magis fructus ferat,*

**Vestrarum Excellentissimarum  
Amplitudinum**

devotus cultor

FRIDER. WILH. SOMMERUS.



S O C R A T E S  
 NEC OFFICIOSUS MARITUS  
 N E C  
 LAUDANDUS PATERFAMILIAS.

§. I.



Num omnium mortalium sapientissimum, vix sine temeritatis nota dici; suo exemplo nos Pythius Apollo docuit: Nam, etsi pro confirmando de Socrate oraculo, plurima eo usque pars consentiat in laudes Philosophi, ut vel disertissimi omnes eloquentiæ fontes exhauriant, vel ex sapientum cœtu profundissima philosophiæ argumenta eruant, et consumant: sunt tamen, qui de ipsius oraculi veritate dubitare, non erubescunt, inter quos Athenæus, agmen ducat: Ille namque Platonem, ut plurima mentitum, etiam eo arguit, quod à Chærephonte Pythia interrogata fuerit: *εἰ τις ἐν Σωκράτῃ σοφώτερος*: an quis Socrate sapientior esset: καὶ τὴν ἀνελθεῖν, μηδέναι: atque hanc regessisse

Lib.V.p.110.



geffisse neminem; cum in hoc a Xenophonte non solum diverfum asserat, sed ipsa res absurda sit, cum ex sententia Platonis ideo sapientissimus fuerit, quod se nihil scire agnoverit, unde inferendum Dipnosophista retur, quod si nihil scire, summa Sapientia sit, sequatur, summam esse stoliditatem, scire omnia, quod in Apollinem Pythium injurium foret, in quo tamen egregium Sophisma committit; cum longe diverfum sit, nihil scire et suae scientiae infirmitatem agnoscere. Sed pergit ulterius, fatuum fuisse percontatorem, et temerarium Charephontem, cum non opus fuerit Deum consulere, cum ipse Socrates de se edixerit: Sed quis non viderit Sophistam agere, cum non de Socrate interrogante, sed Charephonte sermo sit, qui in admirationem tractus sapientiae Socraticae causam consulendi oraculi habuit. Sed quis ille Platonis et Xenophontis dissensus est, ad quem Athenæus provocat? Attulerat nempe Athenæus allegata jam Platonis verba, et pergit, ut vulgo legitur: καὶ τῆτοις δὲ μὴ ξυμφωνῶν ξενωφῶντι φησὶ Χαιρεφῶντι ὅτι γὰρ ποτὲ ἐπερωτήσαντι ἐν Δελφοῖς ὑπὲρ ἐμῶ, ἀνείλεν ὁ Ἀπώλλων πολλῶν παρόντων, ut legit recte Casaubonus ex Xenophonte ἐν αὐτῇ μινδέναι ἀνδρώπων ἐμῶ μῆτε δικαιότερον. μῆτε σοφρονέστερον. Quae verba non recte reddidisse Delechampium bene monet Casaubonus, quasi illa posteriora ad Platonem referenda sint, cum ad Xenophontem illa manifeste pertineant, atque Platonis priora illa sint: Casaubonus ergo solam particulam ὅς inter ξενωφῶντι et φησὶ inferendam jubet, quod multo cum re magis congruit: Verum nec illa

illa medela opus esse Athenæo crediderim, cum integra oratio sit perspicua, modo particula τὶ separetur a Nominativo *Ξενοφῶν*, et fiat arguta interrogatio, καὶ τέρως δὲ μὴ ἔμπεδον *Ξενοφῶν*, τὶ φησί et sic insequuntur Xenophontis verba, quæ cum antecedentibus ita latine exponenda: “Sed in his minus consensans Xenophon, quid ait? Chærephonte Delphis, interrogante de me, excepit Apollo multis presentibus, neminem me, vel justiore, vel modestiore, esse., Et sic leguntur in Apologia Socratis, cum quibus conferri merentur quæ in fine lib. IV. memorabilium de Socrate Epilogi loco repetit: atque ita constat Athenæi argumentum quod ex auctorum Socrati æqualium et factorum ejus æque conscripserunt, dissensu petatum est, qui in eo ponitur, quod prior sapientissimum omnium ab oraculo laudatum esse, pronunciet; alter, Xenophon, justissimum et purissimum, quæ multum inter se differunt. Ad Casaubonum in Animadversionibus. Verum quid nobis, cum anu Pythia, cujus nulla apud nos, saniora edoctos, est auctoritas, præter Athenæum ab aliis jamdudum explosæ, quorum nubem vide in Menagii observationibus ad Diogenem Laërtium.

lib. II. segm. 37.

§. II.

Nos qui arduum quidem esse maxime, unum mortalium pronunciare sapientissimum, neutriquam dissimulamus, non veremur tamen primas Socrati in emendanda et condenda nova philosophia partes attribuire, subnixi tot veterum præclaris testimoniis, et ipso rerum eventu, quo plures ex schola Socratis

prodiisse eruditos, quam ex omnium, ipso priorum, discimus. Non omnia colligere, quæ ad Socratis philosophiam commendandam faciunt, nostri instituti est: sed si Parentem Philosophiæ appellamus. Socratem Ciceronem auctorem sequimur, duplici causa moti, quod nimirum arrogans et clamorū Sophistarum genus de throno deturbaverit; et contemplationes sapientum ante se, ad vitam humanam propius adduxerit, moresque hominum civitatis commodis studiosorum, per præcepta formare docuerit. In utroque nobis iterum juxta alios testimonium Tullius, latinæ philosophiæ princeps auctor, perhibet, adducto jam loco, ubi ita dicendo pergit: „Eorum erat iste mos, qui tum Sophistæ nominabantur, quorum e numero primus est ausus Leontinus „Gorgias in conventu poscere quæstionem, id est, „jubere dicere qua de re quis vellet audire: Audax „negotium, dicerem impudens, nisi hoc institutum „postea translatum ad Philosophos nostros esset. Sed „et illum, quem nominavi, et ceteros Sophistas, ut „e Platone intelligi potest, lufos videmus a Socrate. „Is enim percunctando atque interrogando elicere „solebat eorum opiniones, quibus cum differebat, ut „ad ea, quæ ii respondissent, si quid videretur, diceret, Conf. Brutus, ubi plura Sophistarum, quos Socrates confudit, exempla produciuntur. En novam et magis solidam philosophandi methodum quam passim laudant alii et Plato in Lachete. Quamquam vero omnium Scientiarum complexum teneret, quod per singulas partes probare opus eo minus est, quod id abun-

de fin. lib. II.  
c. i.

c. 8.

p. m. 187.

abunde celebrer : Stanlejus præstiterit, et iterum Princeps oratorum romanorum : Socrates, qui omnium eruditorum testimonio totiusque judicio, Græciæ, cum prudentia et acumine et venustate et, subtilitate, tum vero eloquentia varietate et copia, quam se cumque in partem dedisset, omnium fuit, facile princeps. Imo nihil non pertentasse Socratem ex præceptorum, a quibus profecit, professione manifestius cognoscitur : sic namque Anaxagoras, qui primus inter magistros fuisse fertur, ex Thaletis schola ortus, Physicis contemplationibus et metaphysicis exercitationibus operam potissimum impendit : nec minus Archelaus ex eadem Prosapia ortus : inde musices quoque præcepta a Damone : Sophisticam a Prodicō accepit : Imo et Diotimam et Aspasiā, doctrina illustres fœminas, audivit ut eloquentiæ et carminis gratiam degustaret, et quid non Socrates didicerit? De quo plenius laudatus Stanlejus cupidum informabit. Inde nec satis perspicere liceret, qua vel auctoritate, vel temeritate ductus Porphyrius apud Theodoretum de Socrate effari ausus esset : *εἶναι αὐτὸν πρὸς ἑδὲν μὲν ἀφυσῶν, ἀπαιδεύτον δὲ περὶ πάντα, ὡς ἀπλῶς εἰπεῖν ; χεδὸν δὲ ἑδὲ γράμματα πάντῃ ἐπικταδαί, ἀλλ' εἶναι γελοῖον ὅποτε, τὶ δεῖν ἢ γράψαι, ἢ ἀναγνῶναι βασιλεύοντα ὥσπερ τὰ παῖδια :* Fuisse natura quidem non hebetem : sed ineruditum planeque indoctum. Nihil enim ferme scivisse litterarum et fuisse ridiculum, si quid, vel legere, vel scribere oportuerit, puerorum more hæsitantem. Et suspicio foret dicta contra omnem fidem auctorum et rerum non

Hist. Phil. P.  
III. c. V. de Socratis Phil.  
de Oratore lib.  
III. c. 16.

Θεοκρίστ.  
serm. I. p. 8.

de malign. He-  
rodoti p. 856.  
op.

non pure a Theodoro descripta, eo animo, ut sco-  
pum suum propius feriret, qui is est, ut græcorum,  
de sua sapientia, alta supercilia deprimat, christia-  
nam ruditatem imputatam cum suorum Philosopho-  
rum vera, Ignorantia conferendo; nisi et tale quid au-  
sum Aristoxenem Plutarchus doceret, cui propter  
malignitatem jam pœnam dedit. Exempla certe a  
Porphyrio et Platone allata nihil probant, nisi quod  
ab orationis elegantia, τοῖς κεκαλλεπημένοις λόγοις at-  
que κεκοσμημένοις alienum se esse Socrates profiteatur,  
ex quo tantam inscitiam non licet inferre. Nos pro-  
grediemur ad alteram socraticæ scientiæ partem,  
quæ in scientia rerum, ad vitam utilium, posita  
est.

### §. III.

Segm. 20.

Diogenes in vita ejus tria prædicat de Socrate:  
πρῶτον μετα τὴ μαθητῶν Ἀρχίνε ἐηγορεύειν ἐδίδαξε, καὶ  
πρῶτον περι βίης διελέχθη, καὶ πρῶτον φιλοσόφων κατὰ  
„δικαιοῦς ἐτελέετα: primus cum Æschine discipulo  
„oratoriam exercuit, et primus de vitæ ratione dis-  
„seruit, primusque Philosophorum damnatus mori-  
„tur. Quod postremum non probatur Aldobrandi-  
no in notis, quoniam Zeno Eleates LXIX. Olym-  
piade, antequam nasceretur Socrates a Nearcho Ty-  
ranno, neci datus sit: Verum nihil veritati derogat  
hoc exemplum, cum nec, ut Philosophus propter  
philosophiam, sed propter rebellionem Zeno perie-  
rit; nec κατὰ δικαιοῦς, quod forense verbum est, et  
talem notat qui Judicis sententia condemnatus est,  
quod Socrati propter virtutem primo accidit. Quod  
igi-

igitur ad philosophandi rationem attinet, pergit Diogenes: γνόντα δὲ τὴν θεωρίαν μηδὲν εἶναι πρὸς ἡμᾶς, τὰ ἡθικά φιλοσοφεῖν ἀρχαί, ἐπὶ τε τῶν ἐργασιῶν, καὶ ἐν τῇ ἀγορᾷ. κακῆναι δὲ φάσκεν ζητεῖν:

Ο, τί τοι ἐν μεγάροις κακὸν τ' ἀγαθόντε τέτυκται.

Animadvertens autem naturalem speculationem,, ad nos usum non transferre, de morum doctrina,, philosophari incepit, et in officinis, et in publico,, quotidie, idque quærendum dixit.,

Quod tibi in ædibus pravum aut bonum fuerit.

Ex quo luculenter apparet, quo modo a contem-  
plationibus rerum ad earum usum studiosorum sa-  
pientiæ animos pertraxerit: neque officit, quod Eut- Προπαρασκευ. l. i.  
p. m. 24.  
sebius idem dictum Aristippo adscribat, cum uter-  
que idem sentiens, idem dictum adhibere potuerit:

Sensum ejus plenius explicat Cicero. Sed ab antiqua,, Tusc. v. 4.

philosophia usque ad Socratem qui Archelaum,,  
Anaxagoræ discipulum audierat, numeri motus,,  
que tractabantur et unde omnia orirentur, quoque,,  
recederent: studioseque ab his siderum magnitu-,,  
dines, intervalla, cursus anquirebantur, et cuncta,,  
cœlestia. Socrates autem primus philosophiam,,  
devocavit e cælo, et in urbibus collocavit, et in do-,,  
mos etiam introduxit, et coëgit de vita et moribus,,  
rebusque bonis et malis quærere,, et alibi: primum-,, Bruto c. 8.

que tum philosophia non illa de natura, quæ fuerat,,  
antiquior, sed hæc, in qua de bonis rebus, et ma-,,  
lis, deque vita hominum et moribus disputatur, in-,,  
venta dicitur., Ex quibus simul fors et conditio  
philosophiæ ante Socratem apertius perspicitur, et

Ἀπομνημον. I.  
p. III, 561.

quæ Φυσική illa θεωρία fit, cujus Laërtius meminerat, nempe quæ nec certa esset, nec ad usum hominum facta; inderationes etiam mutationis a Socrate susceptæ ulterius suggerit Xenophon: ἐδὲ γὰρ περὶ τῆς τῶν πάντων φύσεως, ἥπερ τῶν ἄλλων οἱ πλείστοι, διελέγετο, σκοπῶν ὅπως ὁ καλούμενος, ὑπὸ τῶν σοφιστῶν κόσμος, ἔφυ (al. ἔχει) καὶ τίσιν ἀνάγκαις, ἕκαστα γίνεται, τῶν ἑρραίων, ἀλλὰ καὶ τὰς φροντίζοντας τὰ τοιαῦτα μωραίνοντας ἐπεδεικνυεν. Καὶ πρῶτον μὲν αὐτῶν ἐσκόπει πότερα ποτὲ νομίσαντες ἱκανῶς ἤδη τ' ἀνθρώπινα εἰδέναι ἔρχοντα ἐπὶ τὸ περὶ τῶν τοιούτων φροντίζεν· ἢ τὰ μὲν ἀνθρώπινα παρέντες τὰ δαιμόνια δὲ σκοπῶντες ἡγῶντα τὰ προσήκοντα πράττειν· εἰδούμαζε δ' εἰ μὴ φανερόν αὐτοῖς ἐστὶν ὅτι ταῦτα ἔστι δυνατόν ἐστι, ἀνθρώποις εὐρεῖν. ἔπει καὶ τὰς μέγιστον φρονέοντας ἐπὶ τῷ περὶ τέτων λέγειν, ἔ ταυτὰ δοξάζειν ἀλλήλοις, ἀλλὰ τοῖς μανημένοις ὁμοίως διακεῖσθαι περὶ ἀλλήλων: Nec, enim de rerum omnium natura sic differebat, uti, complures alii, nimirum considerans, quo pacto, is, qui a professoribus sapientiæ mundus appellatur, ortus sit, quibusque de causis necessariis singula res cælestes fiant. Imo eos, qui his rebus occupantur fatuos esse demonstrabat, ac primum de iis hoc considerabat, an quod rati se humana jam, satis intelligere, ad talia tractanda accederent, an, rebus relictis humanis divinas contemplantes recte se agere putarent. Mirabatur etiam quod non, iis perspicuum esset, homines hæc invenire non posse. Nec enim ii, qui plurimum arrogant sibi, quod de his differere norint, idem inter se sentiunt, sed furiosorum instar inter se comparati sunt. En philo-

philosophiæ Socraticæ scopum et indolem, et quid eo dictum velint, qui philosophiam de cælo vocasse in urbes Socratem asserunt.

§. IV.

Primus igitur de vitæ ratione egit Socrates, atque de morali philosophia differere incepit, in officinis et in publico; atque primus devocavit philosophiam e cælo et in urbibus collocavit, et in domos introduxit, et coëgit de vita et moribus rebusque bonis et malis quærere uti ex veterum luculentis testimoniis perspeximus. Sed quomodo in urbes et in domos philosophiam introduxit? Certe non eo conatu, ut res civitatis graviter et prudenter administraret, et res domi industrie et prudenter curaret; sed ut singulorum in urbe civium mores recte formaret, quo in societate iusti et sobrii degerent, omniaque facerent, quæ ad tranquillitatem inter omnes constituendam conducere. Qui unus Philosophiæ Socraticæ scopus fuisse cognoscitur ex iis, quæ in Apologiis a Platone et Xenophonte pro ipso allata sunt, nempe ut se iustum, morumque sanctitate egregium ostenderet, et alios, ut id facerent, præpararet, sicut ipsum magna sui confidentia de se testantem exhibet Xenophon: *Τινὰ μὲν γὰρ ἐπίστασθε ἦσσαν ἐμὲ δαλέουσα ταῖς τῷ σώματι, ἐπιθυμίαις; τίνα δὲ ἀνθρώπων ἐλευθεριώτερον; ὅς παρ' ἑδνὸς ἔτε δῶρα, ἔτε μισθὸν, δέχομαι. δικαιοτέρον δὲ ἂν εἰκότως νομίσητε τῷ πρὸς τὰ παρόντα συνηρμοσμένον, ὡς τῶν αλλοτρίων μηδενὸς προσδεῖσθαι; σοφὸν δὲ πῶς ἐκ ἂν τις εἰκότως ἄνδρα φήσκειν, εἶναι, ὅς ἐξ ὅτε περὶ ζυνιέναι τὰ λεγόμενα ἡρξάμην, ἐπὶ πᾶσι ποτε-*

Apolog. p. 556.



ποτε διέλιπον καὶ ζητῶν καὶ μανθάνων, ὅτι ἐδυναμένη ἀγαθόν:  
 Quem enim scitis me minus cupiditatibus corpo-,,  
 ris servire? quem liberaliorem? qui a nemine ne-,,  
 que munera neque mercedem accipio. Quem,,  
 vero iustiorē merito aestimetis, quam eum, qui,,  
 ad præsētia sic se accommodat, ut alienis non,,  
 egeat. Et sapientem me virum merito quis non,,  
 dixerit, qui ex eo, quo capere dicta cœpi, ea nun-,,  
 quam transmissi non inquirens vel discens bo-,,  
 num aliquod, quantum potui. ,, Et quæ con-  
 ferantur digna sunt ipsa Xenophontis in fine lib.  
 IV. memorab. ubi virtutum Socratis imaginem  
 pingit. Ex quo satis cognoscitur, quæ forma, quis  
 finis Socraticæ philosophiæ in urbes domus intro-  
 ductæ, esset, non ut ipse vel publicum vel privatum  
 in civitate ordinem, vel ad leges formaret, vel per eas  
 conservaret, sed potius, ut homines ita moratos fin-  
 geret, qui nec imperio nec legum curatoribus indi-  
 gerent. Minus quidem felici successu, et minime  
 recta methodo, si Lactantio fides adhibetur, quam,  
 si non in omnibus, in non paucis tamen meruit. Et  
 quamvis adeo ad homines philosophiam traduxerit,  
 ab ipsa tamen publica et privata re abstinuit, quo-  
 niam id cum philosophiæ studio et Philosophi mu-  
 nere consistere minus putavit, sicut ipse apud Pla-  
 tonem profitetur: Καὶ ὑπὸ ταύτης τῆς ἀσχολίας, ἔτε τι  
 τῶν τῆς πόλεως πράττειν μοι χολή· γέγωνεν ἄξιον λόγου, ἔτε  
 τῶν οἰκείων: Mihi vero hac in re (in sapientiæ stu-,,  
 dio) occupato, nullum datur otium neque ad pu-,,  
 blicum aliquod negotium gerendum, quod alicu-,,  
 jus

Instit. L III.  
 c. 20. seq.

Apol. p. 2;.

jus sit momenti, neque vero ad meam rem privata-  
tam., Et ita jussum se agere a dæmonio suo alibi  
demonstrat, quia id cognoverit ab Atheniensibus  
oppressum iri Philosophum, si civilibus rebus se im-  
misceret. tantam enim fuisse populi Atheniensis  
perversitatem, queritur, ut nemo posset salvus eva-  
dere, qui impedire vellet, ne plurima injusta patra-  
rentur, et nefaria, unde illi, cui pro justo certare cor-  
di erat, nisi brevi pessum ire vellet, vitam privatam  
agere, nec publica negotia attrectare necesse fuit.

P. 34.

§. V.

Verum an recte ita et prudenter egerit Socra-  
tes, nunc pluribus rationibus nolumus evolvere, quo-  
niam id nostrarum non est partium: Interim non me-  
lio- res putamus illos esse, qui virtutis exercitiis præ-  
stant, nec prudentiam tempore afflictæ et labascentis  
Reipublicæ cum suo etiam periculo ad usum civita-  
tis transferunt, bene educatis liberis, qui senio con-  
fectos, et infirmos parentes, cum rerum suarum di-  
spendio alere molestum ducunt, et detrectant. Nam  
quando maxime prudentum consilio opus est, re-  
pene desperata publica, tunc minime licet illis se  
subducere, qui rerum usu et experientiæ laude in-  
signes sunt, nisi curam publici boni suo commodo  
longe se postponere videri velint. Hinc longe di-  
versum docet ipse Socrates apud Xenophontem, ubi  
multis Charmidem, ad capeffendam rempublicam  
admonet, ni dici ignavus malit. Unde quicquid di-  
versum de Socrate sentienti placeat, nos pro certo  
admittimus, nihil ab omni parte perfectum esse, et

Memorab. III.

P. 612.

philosophiam quoque Socratis suis laborasse defectibus, quos omnes sub examen vocare ad nostram provinciam non pertinet, quibus id saltem demonstrare competit Socratem Philosophorum græcorum principem atque parentem, in eo minimum peccasse, quod neque ex regulis veræ sapientiæ cum uxore sua Xantippe egerit, neque prudentis, et industrii patrisfamilias munia expleverit.

§. VI.

Separatim de utroque dicturi dispiciemus, primo loco, quomodo officiosi mariti partibus non satisfecerit Socrates. Officia mariti erga uxorem fluunt ex legibus matrimonii, quod est consortium inter marem et fæminam jucunditatis, et utilitatis vitæ, sobolisque gignendæ causâ, ex pacto initum. Matrimonium initur sponte sua ab utroque conjugum propter jucunditatem, quando naturæ motus adimplentur, et suavis inter conjunctos animo et corpore consuetudo intercedit: propter utile, quando alter conjugum alterius commoda promovere studet, et alter alteri de necessariis ad vitam, mutua adhibita opera, prospicere contendit, et vitæ incommoda atque molestias lenire et avertere studet. Quæ igitur pars conjugum in culpa est, quo minus altera finem suum assequatur, illa perfidiæ rea est, qua contra pacti indolem peccatur. Et ex evidenti ratione facile cognoscitur nunquam se adstricturum esse liberum, suæ potestatis hominem, matrimonii legibus, tot molestiis implicantibus, et tam sancte servandis, nisi, quod propositum erat, speraret obtine-

obtinere: unde ille, qui, ut alter fine excidat suo in causa est, duplici malo illum afficit, quod nempe ad finem, quod pacto promiserat, non ducat alium, et quod eo adstringat, ut neque per alium id fieri liceat. Ut vero uti non unus est finis conjugium ineuntium, ita etiam diverso modo peccari potest. Eo autem omnia redeunt, quod vel dulcis illa consuetudo inter convicturos vinculo conjugali et sobolis procreatio sit proposita: vel mutua alterutrius pro altero cura, per administrationem reifamiliaris, quo utrique, ex quo commode vivat, suppetat. In plerisque deprehendemus Socratem non egisse, quod boni mariti erat.

§. VII.

Cum Xanthippe conjugii foedus inierat philosophus, cum Xanthippe, quæ ita male apud omnes audit, ut metuendum illi sit, qui ejus partibus se abdicet, ne videatur ipsi vitio velle laudes scribere; inde nobis minime est in animo Xanthippes jurgia nude, vel negare, vel in laudes vertere; Sed illud saltem probare non inter officiosos maritos locum mereri Philosophum, qui Xanthippes iræ ex animi impotentia, potissimam causam præbuit. Primum autem est, ut omne id agat uterque conjugum, quo aliqua ratione alteri placeat, nam quis tam insulsus concipietur, ut ejus utatur jucunda consuetudine, quod, si non odio dignum sit, nullo tamen delectationis sensu afficit: Ille vero excitatur, vel eo, quod externe organa blande percellit et movet, ut forma præcipue corporis hujusque mundities membrorumque

rumque motuum agilitas, et concinnitas; vel quod animum demulcet, nempe blanda verborum lenocinia, quæ confirmanda demum sunt certis veri amoris testimoniis. Quod vero ad primum horum attinet, Socrates, deformis omnino vultus Philosophus, sua forma uxori se commendare nullatenus potuit, homo namque vertice calvus, fronte eminente et supra oculos et genas pendula, oculis in profundo caligantibus, naso simus fuit, quæ minime in amorem pellicere mulierem possunt. Sed ne temere deformasse virum videamur ex æqualium et dignorum fide aliorum auctoritate dicta confirmabimus.

§. VIII.

De calvitie non erimus multum solliciti, probant tamen eandem non solum ex lapidibus sculptæ, antiquitatis nota probatæ, et passim a Chiffletio, Meibomio, Gronovio, Chauffæo, exhibitæ imagines, sed et tutæ veterum testimonia. In imagine calvum nobis exhibet Socratem Synesius in pleno Calvorum Theatro: Εἴξει δὲ τὰς ἐν μυσείῳ θεάσασθαι πίνακας, τὰς Διογένας λέγων, καὶ τὰς Σωκράτους, καὶ τὰς ἑσθίας βέλαιων, ἐξ αἰῶν σοφῶν φαλακρὸν γὰρ αἶν ἔσαι δοξιε θεάτρον: Licet eas intueri, quas in museo habemus, depictas clarorum virorum imagines Diogenes inquam illos, et Socrates, aliosque ab hominum memoria sapientes; calvorum theatrum conven- tumque esse dixeris. et iterum ad calvitiam Socratis tanquam ad rem adeo consensu confirmatam provocat, ut ridiculum fore hominem apud

Calvitiei encomio p. 68. edit. Petav.

apud omnes pronunciet, qui Socratis comati meminisset, ὡς ἔστι ἐν τῶν πώποτε πεφιλοσοφηότων φαλακρότατος, ut qui esset unquam Philosophorum calvissimus. Et Scholiastes Aristophanis Socratis calvitiam, tanquam rem notam proponit ad verba Poëtæ, quibus mentitur pulicem ex Chærophontis supercilio insiliisse in caput Socratis. Quid ergo dicendum de Sidonio Apollinari, qui per gymnasia Areopagitica, vel Prytaneum cum aliis pictum recenset Socratem, coma candente? Si non forte calvente scripsisse conjicias? Sed misso calvo Socratis vertice qui casu supervenerat, et cum ipso non simul extiterat, neque ad deformandum adeo facere potuit, ad alia progredimur, quæ magis obstant formæ Socratis. Simo adeo naso fuit Philosophus, ut a nasi turpitudine abierit in proverbium, quod dictum fuit de vultu admodum deformibus, et Athenæus inter absurda recenset, si quis velit quæstionem agitare: εἰ Σώκρατες ἐστὶ τις σιμότερος. An quis Socrate sit magis fimus: Quo quidem cognoscitur, tantum inter fimos vitio excelluisse, ut aliquem cum eo comparare stultum esset, quod maxime confirmat Platonis, æqualis et admiratoris Magistri sui, testimonium; hic talem pingit adolescentem, qui fædior sit, quam ut forma, amoris concitati ullam suspicionem excitare valeat: Ita vero Plato, μετράκιον ἐν τετύχηκα, καὶ εἰ μὲν ἦν καλὸς, ἐφοβέμην αὖν σφόδρα λέγειν, μὴ καὶ τῷ δόξω ἐν ἐπιθυμίᾳ αὐτῷ εἶναι νῦν δὲ, καὶ μὴ μοι ἄχθῃ, ἐκ ἐστὶ καλὸς προσέειπε δὲ σοι τὴν δὲ σιμότητα, καὶ τὸ ἔξω τῶν ὀμμάτων, ἦτον δὲ ἢ αὐτῶν ἔχει. In adolescentem in-

ad Aët. I. sc. 2.  
p. 146.  
L. IX. ep. IX.  
ad Faustum.

Theætet. p.

143.

„cidi, qui si pulcher esset valde vereretur id dicere, ne  
 „cui illius amore flagrare videretur; at ne mihi succen-  
 „se, minime pulcher est. Tibi vero (ad Socratem)  
 „et naso illo simo et exterius oculorum est similis,  
 „quanquam, et illis notis minus, quam tu, insignis est?  
 Ex quibus Platonis ille oculorum deformis aspectus  
 simul cognoscitur: cum quibus concinit Scholiaſtes,

αἰσχρολογία. I. 3. 2. Aristophanis, ἐλέγετο δὲ ὁ Σωκράτης τὴν ὄψιν Σειληνῶ πα-  
 ρεμφαίνεν σιμὸς δὲ γὰρ καὶ Φαλακρὸς ἦν. Socrates di-  
 „ctus est visu Sileno similis, simus et calvus., Et cum  
 Sileno eundem Plato non semel comparat. Atque  
 L.IV. p. 188. iterum apud Athenæum cum Critobulo adolescente  
 de forma contendere fingitur, qui ipsi illudit: πολὺ  
 τῶν Σιληνῶν αἰσχρῶς λέγων εἶναι, „asserens cum Silenis  
 „multo esse deformiorem.

### §. IX.

Nescio itaque, an non Æthiopem lavare di-  
 cendus sit vir doctus, Socrati formam non inven-  
 tam vindicaturus, contra diserta hæcenus allata te-  
 stimonia: Præcipuum quidem suæ sententiæ subſi-  
 dium se invenisse credit in Arriani ad Epictetum lo-  
 co, quem tamen vel studio in alienum sensum detor-  
 sit, vel non satis diligenter expendit: sermo enim Ar-  
 riano minime de forma, sed de puritate corporis est,  
 quam diligenter curasse alibi luculenta extant testi-  
 monia; Ælianus, qui κόσμον σώμα appellat, ita  
 cultum corpus, in admirationem rapuit, ut  
 exclamare non vereatur: Ὁ τῶν τοιούτων συνὼν σώμα-  
 τι, τίνα ἡγάμεθα εἶχε ψυχὴν; „Qui vero ejusmodi cor-  
 „pus habuit, qualem ducemus habuisse animam

Ολο-

in actis Philo-  
 sophorum, pe-  
 culiari disserta-  
 tione, de forma  
 Socratis P.Lc.5.  
 Lib.IV.c.XI.

V.H.L.XIII.  
 c.27.

O sophisticam vanitatem! Arriani vero scopus est probare Philosopho dignum esse, puræ menti purum præparare domicilium, asserit ergo Socrati, *σάμα ἐπὶ χρεῖ καὶ ἡδὺ*, minime vero *καλὸν*, quod ab illo diversum est. Quod verò ulterius addit vir clarissimus, Diogenem Laërtium non solum nihil narrare de Socratis deformitate, sed præterea corpus ipsi tribuere *εὐκτες*, eo nihil videtur evincere: Nam vel nimia Philosophi reverentia inductus, corporis vitia reticere voluit; vel, quod non multum ad rem facere putaret, aliquid monere non necessarium duxit: *Εὐεζία* vero, quam in eo laudat, bonum corporis habitum et sanitatem probat, ad formam nihil pertinet, cum in turpissimum quemcunque cadere possit. Platonis sane et Athenæi loca, data opera videtur pervertere, quod ex eorum sensu ante a nobis explicato, clarum est. Athenæus certe non solum modo fuisse Socratem tradit, sed tam hoc vitio insignem ostendit, ut absurdum foret dubitare, eum alios omnes hoc superaturum esse. Plato non tantum ad amorem incitare Socraticæ formæ puerum non posse Philosophum, sed ne quidem suspicionem amoris dare, quam ipso Socrate forma præstantior sit. Neque ex Cyri effato a Xenophonte prolato, licet colligere τὸν σιμὸν deformem non fuisse, quoniam τῷ γυναικὶ ἢ σιμῇ conveniat, nam ex eo minime sequitur hanc propter formam esse amabilem: En ergo virilem in ore Socratis venustatem, quam auctor ipsi tribuit, quamque disputatio simul cum Xanthippe in fronte gerit, ex fide Chiffletii Tabularum (in Socrate) ad quas



differt. XXIII.  
p. 240.

ipse auctor provocare non dubitat, nobis si quid de forma judicare datum est, in dimensiones humani vultus natura peccavit; et cui placet ita pictus Socrates, illi forte, nec frons vri, nec oculus suis, nec firmiæ nasus, nec bucca ranæ, nec hirci barba, displice-  
bunt. Nos a Maximo Tyrio dicta repetimus: πῶς γὰρ ἐκ αἰχρὸς, ὁ τῷ λιθοζόου, ὁ σιμὸς, ὁ προγαίωρ, ὁ κομωδόμενῳ. „Quomodo vero non deformis reputandus „lapicidæ filius, ut qui simus, et ventricosus, et in co- „mœdiis delusus est?

§. X.

At vero quorsum hæc tendunt? quid formæ turpitudine in leges mariti peccavit Socrates? Nihil sane. Verum hoc tamen ex illa evincitur, eo laborandum fuisse philosopho, ut, quod forma negaverat, verborum et morum suavitate compensaret, uxorisque animum consuetudinis dulcedine devinceret: Verum vel frigide egisse, vel superbe cum uxoribus, et sanctas matrimonii leges violasse, alieni amoris cupidine, legimus, eratque in ea sententia Socrates, sicut et reliqui, maritum imperare uxori magis decere, quam amore prosequi: Ex dicto quod nobis servavit Stobæus res clara est: τὰς μὲν ἀνδρας, τοῖς δὲ πόλεως νόμοις δεῖ πείθεσθαι: τοῖς δὲ γυναῖκας, τοῖς τῶν συννομένων ἀνδρῶν ἡθεσι: „Viros oportet civitatis legibus obedire: Uxores autem maritorum moribus, „Et mulierem a solo viri consilio ita pendere autumavit, ut absque illo ad nihil profit, ut iterum effatus est apud Stobæum: ἔτε γυνὴ χωρὶς ἀνδρὸς, ἔτε ἑλπίς ἀγαθὴ χωρὶς πόνε, γεννᾷ τὶ χρήσιμον. „neque mulier sine viro,

in nuptialibus  
præceptis  
serm. LXXII.  
meæ edit.

viro, neque bona spes, absque labore utile quicquam parit; adeo abjecte de mulieribus sensit, ut mos erat plerisque suæ ætatis, quod videre est passim et luculenter apud Stobæum in sermonibus de contrahendis nuptiis, in nuptialibus præceptis, in vituperatione mulierum, nuptiarum, reliqua; et præcipue Euripides infestus sexus elegantioris hostis Socratis autem familiaris passim in easdem debachatur. Sed hæc dicta sunt a Socrate; fortius rem facta probabunt. Duas simul uxores habuisse magno numero scriptores affirmant, quos adducit et arguit Athenæus, Laërtius hæsitare videtur, an simul duas duxerit, sed opponere non audet se pluribus. Hoc tamen minus peccasse Socratem monet, quod lex Atheniensium propter raritatem civium data id permiserit: Charpenterius ulterius procedit docens, iustos esse cives Atticos, ut duas sibi accerserent, sed subdole, ut ex lege, non male egisse Socratem, persuaderet. Verum nobis minus laudandum esse factum judicamus, et minime Philosopho, qui singularem castitatem professus est, dignum credimus ea permissione uti, in primis cum tam parum prudenter uti occasione nosset. Nihil nunc dicemus a solo forte Laërtio laudari hanc legem atticam, sine dubio, ne Socrates, tam moribus sanctus, videretur usus fuisse pellice: et ne Myrto ex Aristidis iusti progenie, quid credatur indignum admisisse, dum concubina fieret Philosophi: Talibus enim uti licuisse patet ex Meursio, qui Lycurgi locum adducit de concubinarum poena. Id quidquid sit, non prudenter egit Socrates: Sic enim

de insperatis  
eventibus  
serm. CIX.

L. XIII. p. 556.  
segm. 26.

la vie de So-  
crate p. 24.

Them. Attic.  
L. I. c. IV.

ferm. XI. p. 174

postquam utramque domum duxerat, et altercaren-  
tur inter se scæminæ, minime, officio mariti functus  
est; sed cum debuisset autoritate mariti, et patrisfa-  
miliæ uti, pacemque domi servare, risit rixas mulie-  
bres quod Aristoxeni auctoritate affirmat Theodo-  
ritus, et inde quod merebatur accidit: addit enim  
Theodoritus: αὐταὶ δὲ συνάπλισαι μάχην πρὸς ἀλλήλας,  
ἐπειδὴν πᾶνσαντο ἐπὶ τὸν Σωκράτη ὄρμεν, διὰ τὸ μηδέποτε  
αὐτὰς μαχομένας διακολύειν, γελᾶν δὲ καὶ ἀλλήλους καὶ αὐ-  
τῷ μαχομένας ὁρῶντα. Hæ vero quando mutuis con-  
tentionibus colliderentur, postquam cessabant, in  
Socratem irruebant, eo quod disceptantes non co-  
hiberet, sed cum risu spectaret, et mutuo inter se,  
ipsas, et adversus seipsum pugnantes. Ex quibus  
id etiam perspicitur inique Xanthippen accusari  
quod Socratis petulantiam ægre tulerit; et suspicio  
augetur, Socratem, neque unius neque plurium gra-  
tiam sibi conciliare potuisse et conservare. Unde  
jure suo contempsisse frigidum tori socium, et amato-  
rem utraque videtur apud Laërtium, quod despexif-  
se inter laudes ejus, et tanquam magni animi argu-  
mentum, refert idem Diogenes, sed ignavia est in Phi-  
losopho minus toleranda, qui aliter cum uxoribus  
recte agendi præcepta ipse apud Xenophontem dede-  
rat: τῆς δὲ γυναίκος εἰ μὲν διδασκομένη ὑπὸ τῷ ἀνδρὶ τ' ἀγα-  
θὰ κακοποιεῖ, ἴσως δικαίως, ἂν ἡ γυνὴ τὴν αἰτίαν ἔχοι. εἰ δὲ  
μὴ διδάσκων τὰ καλὰ καὶ ἀγαθὰ ἀνεπηγήμονι τέττων χρῶτο  
ἂρ' ἐ δικαίως ἂν ὁ ἀνὴρ τὴν αἰτίαν ἔχοι; πάντως δὲ. Uxor  
a marito si recte instituta, male se gerit, merito cul-  
pam ipsa sustinet: at si vir ea, quæ honesta et lauda-  
bilia

Segm. 26.

Xenophon  
æconom.  
p. 652.

bilis sunt, non docuerit illam atque ita horum,,  
ignara non iuste utatur, an non in virum merito illa,,  
culpa conferri debeat? Omnino vero.

§. XI.

Interim communi omnium quasi conjuratione  
facta accusatur Xanthippe, jurgiosa, sed infelix fœ-  
mina, uxor Philosophi, cujus sola constantia dilauda-  
tur. Verum si in rem penitus inspicias, nescio, an  
dubium futurum sit, uter magis peccaverit, Xanthip-  
pe querens, et objurgans, an Socrates ridens et injuri-  
am, si quæ facta est, ferens: Nobis minime talia cum  
officiosi mariti et prudentis obligationibus concili-  
antur. Audiamus accusationum potissima capita,  
ut pressius verò insistere liceat, notari in principio  
volumus omnia Xanthippes cum Socrate jurgia ad  
duo principia posse referri: eo nimirum, quod vel  
Socratem peregrini amoris suspectum haberet uxor  
legitima, vel quod ad rei familiaris rationes minime  
maritus ageret. Ex priori causa factum est, quod  
tantum improbatur, ut placentam, quam Alcibiades  
mittebat Socrati, non sine indignatione acciperet.

Ælianus rem narrat sophistica eloquentia: *πλακῆντα* V.H. lib. XI.

ὁ Ἀλκιβιάδης μέγαν καὶ ἐσκευασμένον κάλλεα διέπεμψε Σω-  
κράτει. Ὡς ἔν ὑπὸ ἐρομένῃ ἐρασῇ πεμφθὲν τὸ δῶρον ἐκ-  
καυστικὸν πλακῆντα διαγανάνησασα κατὰ τὸν αὐτῆς τρό-  
πον, ἡ Ξανθίππη ῥήψασα ἐκ τῆ κοινῆ, κατεπάτησε. Pla-  
centam magnam pulcerrimeque confectam Socrati,,  
misit Alcibiades. Tanquam igitur ab amasio pla-  
centam hanc, munus amatori missam, ut ejus amo-  
rem accenderet, graviter suo more objurgans Xan-  
thippe,

L. XIV. p. 643.

„thippe, eam de canistro ejectam pedibus conculca-  
vit.” Paulo verecundius factum narrat Athenæus  
ὀνόμαται πλακύντων ὧν σοὶ καὶ μεταδώσομεν, ἐκ αἷς τῆς Ἀλ-  
κίβιάδης πεμφθέντ<sup>©</sup> Σωκράτης, ὃν Ξανθίππης καταγελα-  
σάσης; ὁ Σωκράτης ἐκέν, ἔφη, εἰδὲ σύ μεθίξεις τέτε. Pla-  
centarum quæ diximus, tu eris particeps. Non  
quemadmodum ad Socratem placentam misit Alci-  
biades, quam, cum Xanthippe derideret, ipse dixit,  
nihil igitur ab ea capies. Satis prudenter factum a  
sagaci foemina, quando derisit impudici donatoris  
beneficium. Et hæc sine dubio vera est rei narratio,  
a scriptore, non nimia philosophi reverentia, moto,  
tradita: Et adeo nec opus fuit Cl. Perizonii crisi, qua  
emendanda et invertenda Athenæi verba ad Æliani  
Sophisticam autumat, quia solam Xanthippen, mi-  
me Socratem, potuisse peccasse, crederet: Neque ad-  
eo male vertendum Xanthippæ fuit donum tale re-  
spuere et Socrati eripere: Nam, etiamsi non desunt,  
qui Socratem ab imputato nefandi amoris cum Alci-  
biade crimine defendunt, res tamen judicata non est,  
Plato et Xenophon levia satis argumenta adducunt  
pro eluenda macula, et Athenæus partem tuetur con-  
trariam: Id saltem evidens est male de se uxori suspi-  
candi, tutam occasionem præbuisse, et indignandi ju-  
ste materiam, Alcibiadi vero Xanthippæ maledicen-  
di, quasi omnium difficillimæ et molestissimæ foemi-  
næ: videat vero Ælianus, quo successu ex hoc aliis So-  
cratem σπινδειον, strenuum commendet; fidem ejus  
ab aliis suffultam, omnino vocare in dubium cum vi-  
ro docto nec volumus, nec res postulat.

§. XII.

in apologiis  
Socratis.  
L. V. p. 219.

Xenoph. Sym-  
pos. p. 692.

aët. philos. P. I.  
c. 4. §. 10.

§. XII.

Nec gravis igitur Philosophi, nec officiosi mariti munere defunctus est Socrates, quando impotentiam muliebrem, vel non cohibuit, vel debitum amorem non præstitit, et conjugalem fidem non integram servavit. In eo quando uxori, ut debuit, non prospexit, non magis meretur laudari. Officiosi mariti est ad ingenium muliebre, quantum honestatis regulæ permittunt, se componere, et pro suis facultatibus tantum tribuere, quo affectum sincerum demonstret, minime vero omnes sexus, ad placendum facti, actiones ad regulam gravitatis et continentię philosophicę, exigere: Stultum enim est, id postulare, quod viribus naturę, vel majus est, vel institutionis præcepta transcendit. In eo vero peccasse Socratem nobis largiturum speramus, qui nobiscum perpendet, quod uxori ea denegaverit, quę sexum, quam maxime solent afficere, mundum dico muliebrem, non, quod crederet, dedecere honestam fœminam ornari, et comite vestitam in publicum prodire, quod ipsius suis moribus foret contrarium, ut, qui tempori serviens pretiosa veste incedere, et Agathonis cœnam frequentare, ipse non abnuat, utque ex Platonis symposio factum repetit Laërtius: *Καί τοι ἐνίοτε πρὸς τὰς καὶ εὖς ἀρμότ' ὀ* Segm. 28.  
*μεν* Ⓞ, καὶ λαμπρὰ ἡμπύχeto. Interdum temporii,,  
serviens venustiori habitu amiciebatur. ,, Sed cum conf. Menagius in observat.  
ita recte sentiret, et ipse recte ageret, non tamen voluit curam habere, quo Xanthippę suppedicaret, quę decora essent suę sortis fœminę. Veritatem

V. H. L. VII  
c. 10.

dictorum confirmat Ælianus τῇ Ξανθίππῃ δὲ ὁ Σω-  
κράτης, ἐπεὶ ἐκ ἐβέλετο τὸ ἐκείνῃ ἱμάτιον ἐνδύσασθαι, καὶ  
ἔταως ἐπὶ τὴν θέααν τῆς πομπῆς βαδίζεν, ἔφη, ὁρᾷς ὡς ἐθεω-  
ρήσασα, θεωρησαμένη δὲ μᾶλλον βαδίζεις. Xanthippa,,  
vero Socrates, quia nolebat illa ejus vestem indue-,,  
re, et sic ad spectandam pompam prodire, dixit:,,  
Viden, quam non spectandi causa, sed potius, ut spe-,,  
cteris, prodeas. ,, Reprehensio quæ minime mari-  
tum decet, nec conclusio Philosophum. Quasi ve-  
ro id sequatur mulier, non ex plebe, in solenni spe-  
ctaculo pro sua conditione ornata comparet, et ali-  
ter, ne derideatur, apparere non vult, ergo, ut spe-  
ctetur, non ut spectet, assidet. Rectius et pruden-  
ter sensit Xanthippe, pudica foemina: vel decore  
agendum, vel potius, quod summa non requirit ne-  
cessitas, omittendum; ideoque quoniam spectacu-  
lo interesse nihil jubet, consultius mihi erit domi  
manere, quam publico populi cachinno me expo-  
nere. Qui ergo criticam hic exercent, et negati-  
vam voculam emaculatam volunt, et Xanthip-  
pen à Socrate pallium rogasse contendunt, nam illi ni-  
mis acuti, nihil vident, cum sic minus apposite re-  
spondisse Socrates intelligendus esset, quasi foemina,  
ut videretur, mariti veste, minus ad pompam deco-  
ra, se induere voluisset. Nec magis illi recte judi-  
cant, qui hoc factum ab alio non discernunt, quan-  
do nempe, alia occasione, lubens pallium mariti ar-  
ripuit, tempore magis opportuno, ex quo cognos-  
citur, non arroganter neque superbe nunc respuis-  
se, cum erubescendum propter dedecus esset: et  
Philo-

vid. Menagius  
ad Laërt.  
segm. 37.



Philosophus Imperator eo collimat scribens: ὁ Σωκράτης τὸ κῶδιον ὑπεξωσμένῳ, ὅτε ἡ Ξανθίππη λαβῶσα τὸ ἱμάτιον ἔξω προῆλθε. καὶ ὡς εἶπεν ὁ Σωκράτης τοῖς ἑταίροις, αἰδεώδεσι, καὶ ἀνσχωρήσασιν, ὅτε αὐτόν εἶδον ἔτως ἐσαλμένον. Cogita Socrates qui fuerit, pelle,, succinctus, quando Xanthippe veste ipsius sumpta,, se proripuerat. Quæque amicis suis dixerit pudore suffusus, pedemque retrahentibus, cum sic indutum illum conspicerentur,, quid vero sit, quod L. XI. §. 2. amicis respondit Socrates, non addit Imperator, neque multum scire refert, id saltem ex facto, cognoscitur, indigne satisfecisse Philosophum, qui uxori peplum non prospiceret, ut mariti pallio se involvere coacta esset; hancque satis modestam fuisse, quod ita vestita foras ire non detrectaret. Et ex hoc forte orta est fabula in foro detraxisse pallium marito, quoniam nonnisi perverse agens Xanthippe concipi debere crederetur. Verum neque sic non appareret Xanthippem Socratis uxorem in foro indigam fuisse pallii, et æque impotenter egisse cum marito, quam illum cum uxore sordide et ignave.

Laërtius  
legm. 37.

§. XIII.

Ad matris familias partes illa potissimum pertinent, quæ a viro, primo domus rectore acquisita et illata sunt, studiose conservare, et prudenter dispensare, ut mulieris officia longe lateque explicavit Socrati Ischomachus, apud Xenophontem ita loqui Libro œcono-  
exorsus: δεῖ δ' αὐ ἐπιδᾶν τὰυτα εἰσενεχθῆ εἰς τὸ σέγγον, καὶ τῷ σώζοντι τὰυτα, καὶ τῷ ἐργαζομένῳ τὰ τῶν σέγγων ἔργα, καὶ τῷ δέοντι καὶ τῷ νεογνῶν τέκνων

mico p. 661.  
seq.



παιδοτροφία, τῶν δὲ καὶ αἱ ἐκ τῆ καρπῆ σιτοποιίαι δέονται.

Requiritur autem, posteaquam a viro intra tectum,,  
illata fuerunt, ejus etiam opera, qui hæc servet, et,,  
ea curet opera, quæ non nisi sub tectis fieri pos-,,  
sunt. Requirit vero tecta liberorum recens na-,,  
torum puerilis educatio, et cibi ex illata segete,,  
confectio,, et reliqua, quibus plenius matrisfamilias  
munera exsequitur, quæ in conservatione et dispen-  
satione rerum illatarum, collocat Ischomachus, sic  
ut rei ratio familiaris permittit, et conditio postu-  
lat. Verum qualem se præstitit Philosophus no-  
ster? nihil intulit, atque officio suo minime satis-  
fecit, quo obstringebatur, ut laudandus paterfami-  
lias. Sed illam inertiam suo loco relinquemus, et  
hic dispiciemus, quomodo in leges æqui et officiosi  
mariti peccaverit. Domum reliquit rerum va-  
cuam, uxorem, quæ vacui penus custos esset, et ni-  
hilo minus ad cœnam vocavit hospites, mendici-  
tatis suæ testes, quod, qua ratione non agre ferre  
fœmina, liberaliter educata, potuit? Rem ita narrat  
Laërtius: Καλέσας ἐπὶ δεῖπνον πλοῦσις, καὶ τῆς Ξανθίπ-  
πης αἰδεμένης, ἔφη, Θάρρει: εἰ μὲν γὰρ εἶεν μέτροι σύμπε-  
ριεχθεῖεν αὐν. εἰ δὲ Φάυλοι, ὑμῖν αὐτῶν εἶδεν μελήσει.  
Cum vocasset ad cœnam divites, et Xanthippen pu-  
deret modici apparatus, bono, inquit, esto animo:,,  
Nam si quidem modesti erunt, frugique, mensam,,  
haud quaquam aspernabuntur; sin autem intem-,,  
perantes, nulla nobis de his cura erit., : Verecun-  
de satis, ut decebat ingenuam, pudebat Xanthippen  
vilis apparatus coram divitibus, quos non vocare ad  
cœnam

Segm. 34.

cānam magis conveniebat. Sed quid mirum si im-  
potentius ageret, quando sapius factum iteravit,  
et præterea scēminam pudentem falso risu exagita-  
vit, ut aliquando factum narrat Plutarchus: τῷ De cohibenda  
δὲ Σωκράτης ἐκ παλαιστρας παραλαμβάνει τὸν Εὐθύδη- ira p. 461.

μον, ἢ Ξανθίππῃ μὲτ' ὀργῆς ἐπιστᾶσα καὶ λοιδόρησασα, τέ-  
λει ἀνέστρεψε τὴν τράπεζαν, ἣ δὲ Εὐθύδημος ἐξαναστὰς,  
ἀπῆλπε περίλυπτον γένόμενον, καὶ ὁ Σωκράτης, παρὰ σὸι  
δὲ, εἶπεν, ἐπὶ τὴν ὄρεν τις εἰσπτάσας τὰυτό τῷτο ἐποίησεν;  
ἡμεῖς δ' ἐκ ἡγανακτικῆς αἰτίας.

Socrates e palæstra se-  
cum duxerat Euthydemum. Et cum Xanthippe,  
irata convitiabatur, tandem mensam evertit,  
quando surrexit abiturus Euthydemus dolore af-  
fectus, ad quem Socrates dicebat: Nonne nuper,  
apud te avis quædam involans idem hoc fecit? ni-  
hil me indignante. Ita ut ab aliis acceperat rem  
repetit Plutarchus, quoniam pro illustrando argu-  
mento suo conducirer, quapropter acerbius exci-  
pitur a viro docto, at vereor ut satis æque; argu-  
menta quibus dicta conatur impugnare, sunt satis  
levia: Ὀρεν, non nego, aliquando galinam notat, sed

Act. Philos.  
Part. I. c. IV.

unde probatur, quod idem heic? et cur dicitur ὄρεν-  
τις? ἀναστρέφειν τράπεζαν non necessario notat sur-  
sum deorsum vertere, sed turbare mensam, vel quæ  
in ea posita sunt. Et sine ratione ad fertur Xanthip-  
pen potius in culina cibaria retinere potuisse, quam  
mensæ imposita deicere, nam nec veterum mos  
erat, ut mater familias in culina ad focum lixaret, et ad  
mensam ministraret, quod servile erat: Mensæ assi-  
dens domina, ad iram, moribus et verbis mariti,

exacerbata excanduit: Quod de Pittaci mala uxore scribit Plutarchus, multum differt, nec absurdum est, duas ejusdem peccati reas esse. Nos igitur non laudabimus excandescentiam mulieris, sed nec probandum Socratis morem asserimus, qui hospites minus opinanti uxori e palæstra domum duxit, quum minime instructa esset, quo uxorem pudore suffundi novisse debebat; nec injuria, cum muliebri animo majus sit, ita negligenter, ut Socrates solebat, hominum de se judicia excipere: Nec quod inde laudis redibat ad Socratem ad sese pertinere comprehendere Xanthippe potuit. Et ita quoque sentiendum de malo facinore, quo perfudit maritum, quod Diogenes Laërtius credit, plane vero negat Athenæus, nos relinquimus in dubio, et saltem notamus mala fide egisse Senecam, quando immunda aqua perfudisse tradit, cum Diogenes generatim modo scribat *περιχέασα* et Athenæus *νιπτῆρας αὐτῆς κατέχει τῆς κεφαλῆς*: sine dubio autem aliquid rei addidit Seneca, ut factum malum sordesceret magis: vilis eruditorum turba vulgo suffundit lotium. Sit quodcunque velis, quod ira conceperat Xanthippe effudit, et stupore rigens excepit irrigatus Socrates, cujus officii erat, nec risu irritare uxorem, nec injuriam illatam non castigare.

Segm. 36.

L. V. p. 219.

lib. de constantia sapientis c. 18.

#### §. XIV.

Ex dictis hactenus et probatis, satis clare cognosci posse confidimus, Socratem non fuisse maritum

tum, ut decet, gravem in tempore et benevolum, qui vel humanitate et benevolentia uxorem sibi devincire nosset, vel prudentia mores muliebres corrigere; unde intellectu neque est difficile, cur idem Philosophus interroganti de uxore ducenda minus prudens consilium suggerere sciverit: ἐρωτηθεὶς πό- Laërt. segm. 33.  
 τερον γῆμαι, εἰ μὴ, ἔφη, ὃ ἀν' αὐτῶν ποιήσης μεταγνώσῃ.  
 Interrogatus utrum conduceret uxorem duce-  
 re, an non; utrumvis horum, inquit, feceris, pœ-  
 nitentia duceris. Recte, si non magis, quam So-  
 crates rei uxoriæ par sit, minime bene, si prudenter  
 ducere, et cum uxore degere noverit. Uxorem  
 ducere cum natura humana convenit, et civitas  
 non consistit sine societate inter conjuges; minus  
 bene, si non ad regulas prudentiæ societas illa in  
 ordine contineatur, et liberi inde geniti ad usum  
 civitatis rectius, quam vulgo fit, educuntur, quo feli-  
 citas publica promoveatur per successionem pru-  
 dentum, quos educatio a prudentibus facta suppe-  
 ditat, ut adeo non opus sit quærere, utrum sit me-  
 lius uxorem ducere, vel a nuptiis abstinere, et re-  
 sponsio facilis, omnem qui sapiat, si alia non offi-  
 ciunt, ad ducendum obstrictum esse; Illum vero se  
 rectius continere, qui ducendo naturæ vim facit, et  
 ordinem civitatis turbat; cum in societate domesti-  
 ca, quando cum uxore prudenter et concorditer vi-  
 vere non novit: tum in civitate, quando liberos in  
 cives utiles educare non valet: Illi igitur, qui ani-  
 mum operi applicat, prius eo sedulo laborandum est,  
 quo

Lib. VII. c. 2.

Antonius Mo-  
nachus inter  
Stobæi λόγους  
CLXXXIII.  
p. 607.

Plato apol.  
Socr. p. 23.

quo suppleantur, quæ sibi deficere, ducendo cætera aptus, intelligit. Quæ si observasset Socrates, neque ducendo bis peccasset dum duxit, et quidem duas, qui nec uni par esset, et dum cum sua nec prudenter et ex officio egit: neque in consilio anceps fuisset; sed quod res postulabat, in medium consulere potuisset, ne alii eveniret quod sibi accidit, uti queritur apud Valerium Maximum, ubi rationes responsioni ab eo datæ, subjunguntur, quibus cavere voluit, ne juvenis in contextu rerum asperarum, quasi lætæ materiæ, faceret delectum; cum quo ejus dicto, cui ita visum fuerit, aliud ejus conferat, in quo comparat matrimonium ineuntes cum piscibus, qui nassam libenter subeunt, et postquam intrarunt, exitum quærentes, hærent.

§. XV.

Non recte abstinuisse a Reipublicæ negotiis Philosophum, in antecedentibus, obiter monuimus, paulo diligentius heic perquiremus, quomodo erga rem domesticam affectus fuerit. Ad Philosophum non pertinere, familiaris rei curam habere, ratus est, ut de se fatetur καὶ ὑπὸ ταύτης τῆς ἀσχολίας ἐδὲν πράττει μὲν πολλὴ τῶν οἰκείων. Tali labori mihi „ implicito, non vacat quicquam curare, quæ ad familiam pertinent „ Quæ quæso negotia tam occupabant Philosophum, ut facere non posset, quæ ratio muneris exigebat? perquirebat nempe Socrates, ab oraculo ideo sapientissimus judicatus, quod se nihil scire cognovisset, quis demum sapiens

sapiens esset; Et hoc ita tenebat virum bonum, ut se suaque negligere necesse esset. Minus præclare profecto! quasi non liceat studio sapientiæ indulgenti, ipsam diligentia acquisitam prudentiam vitæ hujus commodis applicare. Imo multo facilius illi sit oportet, qui animum sapientiæ præceptis recte informavit, prudenter agere, quam, qui ruditate mentis impeditus est. Neque genuina erat hujus neglectus ratio, quasi non sufficiat unus ad rerum cognitione mentem imbuendum, et prudenter domi agendum, sed falsa erat in Socrate persuasio omnem Philosophi præstantiam ab ingenio petendam esse, scientiæ laude claro, ut testis est Laërtius, *ἐλεγε δὲ* segm. 31. *ἐν μόνον ἀγαθὸν εἶναι, τὴν ἐπιστήμην καὶ ἐν μόνον κακὸν, τὴν ἀμαθίαν.* Dicebat unicum esse bonum scientiam,, et unicum malum incitiam,, Et in duas videtur classes digesse philosophiæ deditos, unam illam constituens, in qua primipili illi consisterent, qui id solum agerent, ut verum indagarent, aliisque traderent; et alteram, in qua illi collocati essent, qui ab illis primis proficerent, et in usum vitæ traducerent, quales ipse sibi voluit esse discipulos apud Xenophontem, ubi hæc bonæ docilisque mentis indicia ponit, si quis facile discerneret proposita, accepta memoriter teneret, et ad civitatis, domus, et hominum, propriosque usus omnia transferre nosset, quod a se alienum esse jam professus est, non, quod supra vires esset Philosophi, prudenter familiæ præesse, et recte sapere, sed quod dulcius esset ingenio frui, et in

memorab. IV.  
in princ.

otio vivere, quod omnium gratissimum aestimavit:

καὶ ἐπὶ τῆς χολῆς, ὡς καὶ ἡμεῖς τῶν κτημάτων κατὰ καὶ Ξενοφῶν ἐν Συμπωσίῳ Φησὶν. Laudavit otium tanquam posses-

Laërtius segm.  
31.

sionum pulcherrimam, ut in symposio testatur Xenophon, ex quo vera causa cognoscitur, cur Philosopho non vacaverit agere, quod suum erat: et cum hac ingenii lubricitate optime convenit docendi, quam servavit, methodus, qua nulli muneri adstrictus, vage praecepta tradebat, nulli tempori, nulli loco, nulli

in reipubl. ge-  
rendae praece-  
pris p. 696.

argumento adstrictus, quod plenius enarrat Plutarchus: Σωκράτης γὰρ ἔδε βάτραχος, ὅτε εἰς θρόνον κα-

θίσας, ὅτε ἄρα διατριβῆς, ἢ περιπάτου τοῖς γνωρίμοις τεταγ-  
μένην φυλάττων, ἀλλὰ ἂ καὶ παύων, ὅτε τόχοι, καὶ συμ-  
πίνων καὶ συστρατευόμενοι ἐνίοις, καὶ συναγορεύων, τέλει δὲ  
καὶ συνδεμένοι, καὶ πίνων τὸ φάρμακον, φιλοσόφου πρῶ-  
τῷ ἀποδείξας τὸν βίον ἅπαντι χρόνῳ, καὶ μέρεσι καὶ παύει-  
σι, καὶ πράγμασιν ἅπλως ἅπασιν φιλοσοφίαν δεχόμενοι.

„Nam Socrates, cum neque posuisset subsellia, ne-  
„que cathedram conscendisset, neque discipulis  
„scholae aut deambulationis ullam certam constitui-  
„set horam, sed cum aliis ludens, et si occasio ferebat  
„cum aliis bibens, militans cum quibusdam, in foro  
„versans; ad extremum etiam cum aliis in carcere  
„vinctus et venenum bibens, philosophabatur, et pri-  
„mus ostendit vitae omne tempus, partem, casum,  
„negotium omnino aptum esse studio Sapientiae:  
cum quibus a Xenophonte dicta consonant:

conf. Xeno-  
phon. memo-  
rabil. I. p. 560.

ἀλλὰ μὲν ἐκεῖ γε, αἰεὶ μὲν ἦν ἐν τῷ φανερῷ πρῶτῳ τε γὰρ  
εἰς τὰς περιπάτους, καὶ τὰς γυμνάσιας ἦεν, καὶ πληθέσεως ἀ-  
γροῦς ἐκεῖ φανερός ἦν, καὶ τὸ λοιπὸν αἰεὶ τῆς ἡμέρας ἦν ὅπως  
πλεί-

πλείστοι μέλλει συνέσεσθαι, καὶ ἔλεγε μὲν, ὡς τὸ πολὺ τοῖς δὲ  
 βελομένοις ἔξῃ ἀκέειν. Erat autem Socrates semper,,  
 in publico. Nam mane ad loca deambulationibus,,  
 et exercitiis destinata pergebat, et cum frequens e-,,  
 rat forum, conspiciebatur in publico, reliquumque,,  
 diei degebat isthic, ubi inter plurimos versaturus,,  
 esset. Differebat autem plerumque, ut quidem,,  
 ipsum audiendi facultas iis esset quicunque vellent,,  
 Et ita quidem hanc servavit methodum, non ut ulla  
 serie, vel ordine doctrinæ capita absolveret, sed ut  
 suam interponendo sententiam, quæstiones ab  
 auditoribus in medium prolatas in suspenso relin-  
 queret, ut idem Plutarchus alio loco. Sed si non igno-  
 ravit Philosophus omne vitæ genus sapientiz studio  
 aptum esse, quod Plutarchus ait, cur ab œconomica  
 sibi abstinendum ratus est?

in quæstioni-  
 bus Platonis  
 sub initio p.  
 999.

§. XVI.

Certe quod doctrina professus erat, sibi Philo-  
 sopho non esse integrum, quicquam eorum curare,  
 quod ad rem domesticam pertineret, idem facto pro-  
 bavit Socrates. Tanquam egregium factum vulgo  
 laudatur, et ipse sapius gloriatus est, nullam laboris  
 sui se mercedem admittere, καὶ ἐσφραζόμετο ἐπὶ τῇ εὐτε-  
 λείᾳ μισθὸν τε εἶδέναι εἰσπεράζοντο. In facilitate maxime,,  
 gloriabatur, mercedemque a nullo exigebat,, Et  
 Xenophon: ὁ μὲν δ' ἐρασιχρηματίας γε τῆς συνόντας  
 ἐποίει τῶν μὲν δὲ ἄλλων ἐπιθυμιῶν ἔπαυε, τῆς δὲ ἑαυτοῦ ἐπι-  
 θυμιῶντας ἔκ ἐπράττετο χρήματα. Ne avaros quidem,,

Laërtius segm.  
 27.  
 memorab. l. p.  
 562.



in apol. Xenophontis p. 556.

efficiebat amicos suos; nam et aliis a libidinibus,, eos evocabat, et a studiosis sui pecuniam non exigebat., Egregium factum vulgo credunt, et ipse non dubitat: *τίνα μὲν γὰρ ἐπίσταντε ἀνθρώπων ἐλευθερίαν περὶ; ὥσπερ ἑδνὸς ἔτε ὄρεαι, ἔτε μισθὸν δεχομαι.* Quem,, me nostis liberaliorem, qui a nemine neque muneraneque mercedem accipio., et pluribus aliis testimoniis hæc confirmantur. Sed quid hisce factis meruit? A Socrate observata sunt, ut ne cuiquam obstrictus esset propter beneficium, et ne impediretur ex ingenio agere. Prius diserte testatur ipse Xenophon in proxime sequentibus prioris loci: *τάτα δ' ἀπεχομένους ἐνόμιζεν ἐλευθερίας ἐπιμελεῖσθαι τὰς δὲ λαμβάνοντας τῆς ὁμολίας μισθὸν ἀνδραποδιστὰς ἑαυτῶν ἀπὲ καίλει, διὰ τὸ ἀναγκαῖον αὐτοῖς εἶναι διαλέγεσθαι, περὶ ὧν ὅν λάβοιεν τὸν μισθόν.* Qua in re (mercede exigenda,) qui abstinentes se ferebant, libertati studere dicebat, qui autem doctrinæ mercedem caperent, suimet quosdam quasi plagiarios appellabat, propterea quod,, necessario differere cogerentur apud eos, a quibus,, mercedem acciperent., Ecce veram continentię causam, ut majori licentia, quicquid liberet, diceret et faceret, quod majoris, quam rerum necessariarum usum æstimavit, tanta pertinacia, ut de ipso Laërtius scribere non dubitet: *ἔτος μὲντοι πενῶν, ἔ' πώποτ' ἔτλη κολακεῦσαι.* Tametsi esuriens, assentari nunquam sustinuit., Sed quam vane et superbe assentationem dixit, æquam pro labore mercedem admittere. Et eadem tamen causâ motus ab Archelao Macedone, Scopa

segu. 28.

ScopaCranonio,et Eurylocho Larissæo missam pecuniam recusavit accipere, Seneca ideo noluisse admittere monet, quod nollet ad eum venire a quo acciperet beneficia, cum reddere illi paria non posset: quæ ex stoæ suæ principiis nimis jactanter detorsit in laudem Socratis, qui talia dare Archelao potuerit, quæ hicce minime redditurus erat, unde ejus benevolam gratiam risu excepisse putatur philosophus, minus decenter. Verum nec sola arrogantia ductus ab admittenda pecunia se continuit, sed vera ignavia detentus, noluit cura teneri earum rerum, quæ prudenti Patrisfamilias molesta esse poterant, ut ex ipsa ejus responsione Alcibiadi data, manifestum fit. Lærtius rem narrat: καὶ ποτὲ Ἀλκιβιάδης δίδοντ' αὐτῷ χάριαν μεγάλην, ἵνα ἐμποδομήσῃται οἰκίαν, φάναι καὶ εἰ ὑποδημάτων ἔδει, βύρσαν μοι ἐδόξεν ἢ ἐμαυτῷ ὑποδήματα ποιησαίμην, καὶ (Causabonus legi vult μή καὶ nescio an satis gravi causa ad mutandum motus sit) καταγέλας ἐν τῇ λαβῶν. Cum Alcibiades grandem quandam aream ad construendam domum largiretur, dixisse, (narrat Pamphila) an vero, si calceamentis mihi opus esset, et corium dares, ut calceos mihi ipse conficerem? Certe ridiculus essem, si acciperem., Bis castigari dignus est Philosophus, propter has argutias; quod vel præ foeda imprudentia non sciverit melius domum ædificandam curare, quam calceum propria arte ex corio consuere; vel, quod præ socordia noluerit ullam rei familiaris curam habere, atque adeo non aream, sed extructam domum accipere. Indignum

Lært segm.

25-  
de benef. L.V.  
c.6.

segm. 24.

Laërtius segm.  
31.

ibid.

dignum utrumque facinus. Servos vero eandem ob causam datos accersere noluit: *Χαρμίδης τε οἰκέτας αὐτῷ δίδοντα, ἐν αὐτῶν προσοδένοντο, ἐκ εἴλετο.* Cum „daret Charmides servos, ut eorum opera lucrifaceret, noluit accipere.,, Recte quidem ex suo ingenio, noluit ideo accipere, quia ipsi constitutum minime erat ad acquirendum servis uti, sed in otio vivere, quod unum laudabat, opes vero et nobilitatem non solum nihili faciebat, sed et odio prosequabatur, quoniam faceffere negotium metuebat.

### §. XVII.

Xenophon. œ-  
conomic. p. 686

Finis hujus fictæ magnanimitatis, et neglectus curæ domesticæ non bonus, nec meliores effectus produxit, dum ex hoc Philosophus sibi, suis, et ipsi civitati non saltem, non ut potuit, profuit, sed et gravis et molestus fuit. Sibi sane parum prudenter prospexit, quando vitæ sustentandæ necessaria sibi admittit, et algere, sitire, esurire, imo perire coactus fuit. Nam quod Ischomachus ad ipsum inquit Socratem: *ὡς μὲν γὰρ ἂν δύναιτο ἄνθρωπος ζῆν ἀνευ τῶν ἐπιτηδείων, εὐδεὶς τῷ αὐτῷ περὶ τῆς.* Posse hominem absque necessario victu vivere, nemo sibi metipsum persuadebit,, cum ipsa natura et ratione humana congruit, nec sanus poterit contradicere. Ergo desipienti non est dissimilis, qui ea contemnit, quæ ad victum, et quotidianum usum sunt necessaria: Et si ipse pro se aliquis nihil curabit, quis alium eo adiget, ut de alterius re despiciat, et an quo victitet, habeat, si ipse sui negligens exti-

extiterit? Ridetur inde propter suam exiguitatem mendicitatem merito a comico:

Aristoph. nub.  
vers. 361.

Ὅτι βρενθῆς τ' ἐν ταῖσιν ὁδοῖς, καὶ τῷ φθαλμῷ παρα-  
βάλλει,

Καὶ νυν πόδῃλος καὶ καὶ πολλὰ ἀνέχει καὶ ὅς ἡμῖν σεμνοπροσω-  
πῆς.

Uti leguntur versus in emendatissima Kusteri editio-  
ne, quos ita simpliciter latine vertit: interpres a Kuste-  
ro notatus, quem vide

Tibi vero, quod elate hic incedis, circumfersque  
oculos: et

Discalceatus mala multa pateris et in nos ore seve-  
ro es.

Ad quos quidem et aliorum justos risus, quos Laërtius  
percensuit, eum iterum ridere facit Xenophon in dis-  
sertatione cum Antiphonte, sed satis frigide, et redit  
eo omne sophisma, quod aliis perivadere conetur, ho-  
minem posse paucis contentum esse, et melius ami-  
cis et reipublicæ prodesse, si rerum cura alienus sit:  
cum ipsi scivisse competat, et exigui curam esse non  
minorem, quam multi, ipsi illi, qui prudentia non  
suffultus est. Et qui omnia contemnit, unde sumet ne-  
cessaria? qui prudens et dives est, plus prodest civita-  
ti, quam qui propter sapientiam gloriatur et fame  
languet. Maximus Tyrius elegans Scriptor, acutus  
philosophus, illos argute ridet qui propter pauper-  
tatem in philosophia præ aliis sibi arrogant, quod So-  
cratem imitentur: ὡς ἀνόμεθα ὅτι: μὴ καὶ οἱ σιμοὶ καὶ οἱ  
πρῶτοι ἀμφισβητῶσι φιλοσοφίας. Bene nobiscum,,

segm. 27.  
memorabil. L.  
l. p. 576.

Dissert. xxxvii.  
p. 390. edit. Da-  
visii.

agi-

„agitur, quod non et simi de philosophia contendunt et ventricosi., Et in sequentibus pluribus demonstrat, melius fore in republica, si divites ac nobiles se philosophiz accingant, quam soli mendici, ignobiles. Sed sua fame superbiat Socrates, nullo tamen jure alios inedia necare juse erat, uxores, liberi, servi, marito, parenti, domino, prastant obsequium, ut amore complectatur, et necessaria suæ vitæ provideat, et procuret cujus imperio vivunt. Sed nihil hoc minus egit, quam ut prudentis patrisfamilias munus impleret, Socrates. Totam rem suam quinque minis æstimandam gloriatur apud Critobulum: *ἐγὼ μὲν οἶμαι, εἰ ἀγαθὸν ὄντι ἔπιτυχόμην, εὐρεῖν αὖ μοι σὺν τῇ οἰκίᾳ καὶ τα ὄντα πάντα πάνυ ῥαδίως πέντε μινύς.* At-  
„bitror ego, si emtor mihi bonus contingat, facile  
„me de cunctis facultatibus meis cum domo, minas  
„quinque coacturum., Vana gloria hominis, qui  
ex suis moribus universos æstimat, et fallit, minime  
vero, qui prudentis instar patrisfamilias suorum curam gerit. Nonne oportebat esse sollicitum philosophum de uxore et de liberis? et futura prospicere? et ex quo post mortem suam viverent vivum cogitare? Tunc enim quis futurus erat, qui necessaria largiretur, inopiæ pressis? Quis liberorum educandorum omnibus destitutorum curam habiturus erat? Nemo sane eo ipso magis, qui omnia et liberos neglexerat, nec necessaria suppeditando, nec arte forte ingenua instituendo, unde etiam non saltem nullibi Socratis claræ sobolis mentio fit, sed etiam quod Seneca  
tradit,

Xenophon. α.  
con. p. 649.

tradit, habuit liberos indociles, et matri quam patri <sup>Epist. CIV.</sup>  
 similiores, indoctos dicere debuit, et matre non ma-  
 gis felices, ex patris incuria et indecente indulgentia,  
 quam cognoscere licet ex filii cum matre contentione apud Laërtium: ἐνέτρεψε δὲ καὶ Λαμπροκλέα, <sup>Segm. 29.</sup>  
 τὸν υἱὸν τῇ μητρὶ ἀγριαινόμενον, Lamproctlem filium,,  
 in matrem immitem ac ferum suadendo ad revertentiam reduxit., Xenophon ad quem provocat <sup>Memorabil. 2.</sup>  
 Diogenes, modum plenius enarrat, et eo redit di- <sup>P. 585.</sup>  
 sputatio, ut filio persuadeat, matris impotentiam, et  
 morum feritatem ferendam esse, quæ mutari ne-  
 queat: indigna patre oratio, indigna marito, qua  
 quam longe absit a patrisfamilix officio præstando  
 intelligas, et ex ipso illo discursu agnoscas, quæ de  
 parentum cura propter liberos exantlanda, in nutri-  
 endis, docendis, et magnis sumtibus ad discendum  
 ab aliis, impensis, sentiat, quorum nihil ipse vel  
 præstare præ negligentia voluit, vel sua culpa ege-  
 nus, præstare potuit.

§. XVIII.

Quibus omnibus factis quomodo non male  
 de publica re mereri potuit? Audi sis Ischoma-  
 chum, Socratis in œconomia administranda magi- <sup>Xenophon.</sup>  
 strum, ὁ δὲ μήτε ἄλλην τέχνην χρηματοποιὸν ἐπιιδάμεν, <sup>œcon. p. 686.</sup>  
 μήτε γεωργεῖν. ἐθέλων φανερόν, ὅτι κλέπτων ἢ ἀρπαζών, ἢ  
 προταυτῶν διανοεῖται βιοτεῖν, ἢ παντάπασιν ἀλόγιστος ἐστίν.  
 Qui aliam artem nullam, qua rem faciat, novit, ne-  
 que agrum colere vult, is præ se fert, quod vel fu-  
 rando, vel prædando, vel mendicando victum qua-  
 F rere

De beneficiis  
L.VII. c. 24.

rere cogitet, aut omnino rationis expertus est., Vere et prudenter. Sed nec seruit nec messuit Socrates, nec artem aliam acquirendi rem exercuit, nec tamen furatus est, nec ex rapto vixit; imo, quod omnia hæc involvit, mendicavit. Laudat Seneca factum, sed quod impudenter non rogaverit, eo differt a reliquis. Socrates amicis audientibus: E., missum, inquit, pallium, si nummos haberem. Ne., minem poposcit, omnes admonuit., fraudulenter extorsit, in omnes injurius fuit, magis conveniebat dicere. Sic enim exprobrabat amicis, audientibus pluribus, se indigere; quo odium et indignationem consciscere bonis, quasi in præceptorum ingrati essent, quod ambitiose de se dici volebant, atque ita abutebatur sibi nota eorum, vel imprudentia, vel metu. Nam si rem ex vero metiaris, quomodo non iniquus fuit mendicus Philosophus? ab amicis nummos vafre petebat oblique eos admonendo, quos ex mercede pro doctrina collegerant, quod tanquam indignum ipse proscripserat, et quotidie propterea alios sugillabat; de se vero, quod idem non faceret, gloriabatur, indignum profecto: et si æque alii magnifice de se sentire voluissent Socratem, quis futurus erat, qui omnibus fame emaciat, vitam redderet? Nam sic et omnibus philosophari cum Socrate jus fuit, si vero omnes æque paritari cum eo voluissent, omnibus pereundum fuisset. Aristippus Philosophus vere civilis et dignior Socrate discipulus, verecunde, sed sapienter morem magi-

magistro exprobravit, quando accusanti, quod Socratis disciplina institutus pecuniam sumeret, regessit, *ἔχε γὰρ ταμίαις τὰς πρώτας Ἀθηναίων. ἐγὼ δὲ Εὐτυχιδὴν ἀργυρώνητον.* Habuit Socrates penuarios,, Atheniensium principes, ego autem Eutychidem,, emititum servum., Quo quid aliud intelligi voluit Philosophus, quam quod Socrates divitum Atheniensium quadra vivens, eosdem philosophica mendicitate expilaverit, et adeo re propria non indiguerit: ipse vero externus, quod propter aemulationem eandem benevolentiam sperare nequeat, neque propter rei indignitatem, quod ex aliis ejus cognoscitur, velit, mercedem merito accipiat. Prudentius factum! nec negat Socrates, *ἐκὲν ἐν μὲν χρημάτων διοικήσει κρατοῖν ἂν ὁ χρημασίῳ ἐνπορωτέραν τῇ πολλῇ ποιῶν.* In opum administratione potior illius erit ratio, qui rempublicam opulentio-rem reddidit,, quo rectius certe sensit Socrates, quam egit, cui id ex prudentiae praeceptis non solum incumbabat, ut recte acquirendi modum suo exemplo alios doceret, sed et uti recte, quod jure Aristippus se novisse, et facere, affirmavit alibi.

Diog. Laërt.  
L. II. segm. 74.

Xenophon.  
memorabil.  
IV. p. 642.

Laërt. II.  
segm. 71.

### §. XIX.

Plura licebat addere sed nolumus disputationis limites excedere, et pro scopo dicta sufficient, qui minime fuit, quod famæ Socratis inter græcos Philosophorum fere principis, per nos posse derogari crederemus, sed ut exemplo demonstraremus, nihil humanum omni numero absolutum esse, et  
nimi-



- nimum tribuere Socrati sapientes viros, Marfilium  
**L. VIII, Ep. 9.** Ficinum, qui cum Christo Salvatore, et martyribus  
 ejus ecclesie comparare non dubitat; Motheum  
 Vayerium, qui beatitudinem fidelium Christi confes-  
 forum non denegat: Charpenterium, qui tanquam  
 Ideam perfecti in omnibus Philosophi exhibet, quem  
 secutus Thomasius propius ad sancta Christiane do-  
 ctrinae praecepta accessisse, quam profanorum ut-  
 lum, praedicat, et a nullo nisi a gratia veri divini lumi-  
 nis collustrato vinci posse, autumat, quibus ad pro-  
 bandum, non fuisse aliis meliorem, hoc occinimus  
 apostoli: *Ἐς δὲ τις τῶν ἰδίων καὶ μάλιστα τῶν οἰκείων, ἔ-  
 προνοεῖ, τὴν πίσιν ἡρνηται, καὶ ἔστιν ἀπίστευτος.* Ecce  
 Philosophum neque cum vere Christiano, neque  
 cum prudente infideli conferendum!

De la Vertu  
 des Payens II.  
 Part. p. 587.  
 Edit. fol. 1662.  
 La vie de So-  
 crate.  
 Préfat. ad  
 Charpenterii  
 vitam Socra-  
 tis.

**1. Tim, V, 8.**

### C O R O L L A R I A.

- I. Peste Athenis grassante Socrates solus non aegrotasse  
 dicitur, propter temperantiam. temere.
- II, Phædonem captivum, ut redimeret, Critonem So-  
 crates jussit, quoniam suo ære id facere non poterat.  
 minus ex officio.
- III. Dicente uxore: injuste moreris, respondit Socrates:  
 at tu juste malles? sophistice.
- IV. Monitus sibi maledici, id fieri negavit Socrates, quia  
 maledicta sibi non convenient. minus argute.
- V. Athenienses et damnando Socratem, et pro eo infe-  
 rias dando, peccarunt.
- VI. Disputatio, quæ inter Socratem et Aristippum de vo-  
 luptate fingitur a Xenophonte, memor: est frigida.

Erratum, quod sensum impedit p. 8. l. 8. pro et l. ex. reliqua festinatio  
 excusabit.